



---

Број: 01/3-50-3-3- 4 /11

Сарајево, 22. јули 2011. године

**ORIJENTACIONI RADNI PLAN**  
**KOMISIJE ZA VANJSKU TRGOVINU I CARINE**  
**ZA 2011. GODINU**

Сарајево, јули 2011. године

Na osnovu člana 60. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07 i 87/09), Komisija za vanjsku trgovinu i carine Predstavničkog doma Parlamentarne skupštine Bosne i Hercegovine, na 4. sjednici, održanoj 22. jula 2011., utvrdila je

## **ORIJENTACIONI RADNI PLAN**

### **Komisije za vanjsku trgovinu i carine za 2011. godinu**

Predviđena aktivnost Komisije za vanjsku trgovinu i carine (u daljnjem tekstu: Komisija) u drugoj polovini 2011. godine zasniva se na realizaciji uslova proisteklih iz prijema Bosne i Hercegovine u Vijeće Evrope, na primjeni Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006.) i Sporazuma o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine, s druge strane, na realizaciji međunarodnih dokumenata kojima se obavezala Parlamentarna skupština BiH, te na specifičnim aktivnostima Komisije koje proističu iz njene nadležnosti utvrđene Poslovníkom Predstavničkog doma Parlamentarne skupštine BiH.

Prilikom realizacije Orijentacionog radnog plana, Komisija će koristiti mišljenja i sugestije vladinih i nevladinih, domaćih i međunarodnih organizacija koje se bave pitanjem vanjske trgovine i carina.

Na osnovu člana 43. Poslovnika Predstavničkog doma, Komisija će u okviru svoje nadležnosti razmatrati pitanja koje se odnose na: vanjskotrgovinsku politiku, sporazume o međunarodnoj trgovini, carinsku politiku, tarife, propise i zakone iz ove oblasti, međunarodne obaveze Bosne i Hercegovine, odnose s međunarodnim trgovinskim institucijama i druga pitanja iz oblasti vanjske trgovine i carina.

Imajući u vidu da Vijeće ministara BiH nije dostavilo Parlamentarnoj skupštini BiH u parlamentarnu proceduru utvrđene prijedloge određenih zakona predviđenih Programom rada Vijeća ministara BiH za 2011. niti je dostavilo svoj radni plan za 2011. godinu, te da Kolegij Doma u svakom konkretnom zakononskom projektu određuje koje radno tijelo je nadležno za razmatranje određenog prijedloga zakona, Komisija nije u mogućnosti da precizno utvrdi rokove i raspored razmatranja zakona iz svoje nadležnosti.

Tek nakon konačnog konstituiranja Predstavničkog doma Parlamentarne skupštine Bosne i Hercegovine, 20. maja 2011., i izbora članova Komisije, 9. juna 2011., za mandatni period 2010.-2014. godine, Komisija je mogla početi da radi.

U ovom planu navedene su pojedine specifične aktivnosti vanjske trgovine i carina, što znači da će plan rada Komisije biti fleksibilan i prilagođavan aktuelnim temama.

Orijentacioni plan sadrži pregled najznačajnijih aktivnosti Komisije, s utvrđenim rokovima u 2011. godini, prema sljedećem rasporedu:

## **JUNI 2011. GODINE**

Održana je konstituirajuća sjednica Komisije za vanjsku trgovinu i carine Predstavničkog doma.

Izabrano je rukovodstvo Komisije u sljedećem sastavu:

- Borislav Bojić, predsjedavajući Komisije,
- Šemsudin Mehmedović, prvi zamjenik predsjedavajućeg.

Komisija nije birala drugog zamjenika predsjedavajućeg, što će učiniti nakon popunjavanja upražnjenog mjesta poslanika u Predstavničkom domu iz stranke HDZBiH. Ostali članovi su: Danijela Martinović, Nermina Ćemalović, Nikola Špirić, Slavko Jovičić, Nermin Purić i Emir Kabil.

### **Zakonodavna aktivnost Komisije:**

- Razmatranje Prijedloga zakona o vinu Bosne i Hercegovine, predlagač: Vijeće ministara BiH (prvo čitanje);
- Razmatranje Prijedloga zakona o izmjeni i dopuni Zakona o carinskoj politici Bosne i Hercegovine, predlagač: Vijeće ministara BiH (prvo čitanje);
- Razmatranje Prijedloga zakona o izmjenama i dopunama Zakona o mineralnim đubrivima, predlagač: Vijeće ministara BiH (prvo čitanje).

### **Ostale aktivnosti:**

- Sastanci s predstavnicima Vanjskotrgovinske komore BiH, radi upoznavanja s trenutnim stanjem u Komori.

## **JULI 2011. GODINE**

### **Zakonodavna aktivnost Komisije:**

- Razmatranje Prijedloga zakona o vinu Bosne i Hercegovine, predlagač: Vijeće ministara BiH (drugo čitanje);
- Razmatranje Prijedloga zakona o izmjeni i dopuni Zakona o carinskoj politici Bosne i Hercegovine, predlagač: Vijeće ministara BiH (drugo čitanje);
- Razmatranje Prijedloga zakona o izmjenama i dopunama Zakona o mineralnim đubrivima, predlagač: Vijeće ministara BiH (drugo čitanje).

### **Ostale aktivnosti:**

- Razmatranje Izvještaja o radu Upravnog odbora Izvozno-kreditne agencije Bosne i Hercegovine za 2010. godinu;
- Razmatranje Izvještaja o radu Komisije za vanjsku trgovinu i carine za 2010. godinu (dužnost Komisije po članu 31. stav (2) Poslovnika Predstavničkog doma);
- Razmatranje Izvještaja o radu Vijeća ministara BiH za 2010. godinu, odnosno dijela poslova iz djelokruga Komisije za vanjsku trgovinu i carine;
- Susreti/sastanci s udruženjima poljoprivrednika u BiH.

### **AUGUST 2011. GODINE**

#### **Zakonodavna aktivnost Komisije:**

- Razmatranje prijedloga zakona ovlaštenih predlagača iz nadležnosti Komisije;
- Razmatranje Izvještaja Vijeća ministara BiH iz oblasti poljoprivrede za 2009. godinu (usvojen na 127. sjednici Vijeća ministara BiH, održanoj 6.7.2010., a dostavljen članovima Predstavničkog doma dana 22.12.2010.);
- Razmatranje drugih akata upućenih Komisiji i dostavljanje informacija, stavova i zaključaka Predstavničkom domu;
- Kontinuirana saradnja s predlagačima zakona, amandmana i drugih akata upućenih Komisiji.

### **Ostale aktivnosti:**

- Sastanci s članovima i predstavnicima Sektora za poljoprivredu Ministarstva vanjske trgovine i ekonomskih odnosa BiH, s ciljem preduzimanja aktivnosti u realizaciji mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine.

### **SEPTEMBAR 2011. GODINE**

#### **Zakonodavna aktivnost Komisije:**

- Razmatranje prijedloga zakona ovlaštenih predlagača i dostavljanje mišljenja i izvještaja Predstavničkom domu PSBiH, za koje Kolegij Predstavničkog doma odredi Komisiju za nadležnu.

### **Ostale aktivnosti:**

- Razmatranje Analize vanjskotrgovinske razmjene BiH za period januar-juni 2011. godine, obrađivači: Ministarstvo vanjske trgovine i ekonomskih odnosa BiH, Vanjskotrgovinska komora BiH i Agencija za statistiku BiH;
- Kontinuirana saradnja s predstavnicima Ministarstva vanjske trgovine i ekonomskih odnosa BiH, Uprave za indirektno oporezivanje BiH i Vanjskotrgovinske komore BiH u oblasti carinske politike i carinske tarife.

## **OKTOBAR 2011. GODINE**

### **Zakonodavna aktivnost Komisije:**

- Razmatranje prijedloga zakona ovlaštenih predlagača i dostavljanje mišljenja i izvještaja Predstavničkom domu PSBiH, za koje Kolegij Predstavničkog doma odredi Komisiju za nadležnu.

### **Ostale aktivnosti:**

- Kontinuirana saradnja s predstavnicima Izvozno-kreditne agencije BiH, Agencije za sigurnost hrane BiH i Uprave BiH za zaštitu zdravlja bilja.

## **NOVEMBAR 2011. GODINE**

### **Zakonodavna aktivnost Komisije:**

- Razmatranje prijedloga zakona ovlaštenih predlagača i dostavljanje mišljenja i izvještaja Predstavničkom domu PSBiH, za koje Kolegij Predstavničkog doma odredi Komisiju za nadležnu.

### **Ostale aktivnosti:**

- Razmatranje Analize vanjskotrgovinske razmjene Bosne i Hercegovine za period januar–septembar 2011. godine, obrađivač: Ministarstvo vanjske trgovine i ekonomskih odnosa BiH u saradnji s Vanjskotrgovinskom komorom BiH i Agencijom za statistiku BiH.

## **DECEMBAR 2011. GODINE**

### **Zakonodavna aktivnost Komisije:**

- Razmatranje prijedloga zakona za koje u prethodnom periodu nije okončana komisijska faza, te zakona i drugih akata nadležnih predlagača i dostavljanje izvještaja Predstavničkom domu PSBiH.

### **Ostale aktivnosti:**

- Razmatranje Analize vanjskotrgovinskog deficita Bosne i Hercegovine s drugim državama za period juli-decembar 2011., s prijedlogom zaključaka za njegovo smanjenje.

### **Međuparlamentarne aktivnosti**

Komisija planira da, prema naknadno utvrđenom terminu, obavi posjetu srodnim komisijama u zemljama potpisnicama sporazuma CEFTA, kao i zemljama članicama Evropske unije, zbog razmjene i sagledavanja iskustava u vezi s evropskim integracijama, naročito u pogledu usklađivanja zakonodavstva s propisima Evropske unije.

Za eventualne pozive u inozemstvo u 2011. godini u vezi s djelokrugom Komisije, bit će ispoštovana odluka Kolegija Predstavničkog doma.

### **Ostale aktivnosti**

Komisija će periodično razmatrati informacije o provođenju carinske i vanjskotrgovinske politike koje budu dostavljene od Vanjskotrgovinske komore BiH i resornih ministarstava.

Prema ukazanoj potrebi, Komisija će se sastajati s predstavnicima nadležnih entitetskih ministarstava, Vlade Brčko Distrikta BiH, VTKBiH, Privredne komore Federacije BiH; Privredne komore Republike Srpske, raznih nevladinih organizacija i udruženja proizvođača, s ciljem smanjenja carinskih barijera kod izvoza bh. proizvoda, povećanja izvoza, odnosno smanjenja vanjskotrgovinskog deficita.

### **REZIME**

Komisija za vanjsku trgovinu i carine nastojat će da u potpunosti realizira planirane aktivnosti. Također, Komisija zadržava pravo da u fazi rasprave o Orijentacionom radnom planu utvrdi i druge prijedloge zakona i akata kada budu dostavljeni u parlamentarnu proceduru.

Predsjedavajući Komisije  
**Borislav Bojić**